

衢州文獻集成

〔史部〕

第
41
冊

國家圖書館出版社
National Library of China Publishing House

衢州文獻集成

黃靈庚 諸葛慧艷

主編

〔史部〕

第
41
冊

國家圖書館出版社

(清) 陳垣 撰

西安縣新志正誤三卷

清末抄本

西安縣新志正誤三卷 提要

清陳塤撰。塤有《西安真父母記》，已著錄。此書凡三卷，糾正「嘉慶」《西安縣志》之誤共四百餘條。陳氏認為嘉慶新志多誤，遠不如康熙舊志，故以舊志正新志之誤，糾其削所不可削，改所不可改，略所不可略，增所不可增。是書卷前有西安知縣歐陽烜序，卷後有陳塤自序和西安教諭吳善述序。陳氏自序和吳氏序皆言，嘉慶新志為姚寶燿延請江西進士胡森所修。然據此志今傳清十六年刻本所載《纂修姓氏》，纂修者為邑人范崇楷，協修者有胡森、陳岱、楊世英、余文燾四人；又據范登保等《可竹堂集》所載《纂修縣志記》，亦證新志出於崇楷手筆。陳、吳二氏所以稱胡森者，蓋為避開對鄉賢批評。陳塤以康熙舊志來糾嘉慶新志之謬，並非完全言之有理。鄭永禧「民國」《衢縣志·藝文志》著錄此書，其評曰：「其中多有未見原書而妄肆詆譏者，非至當之論也。」在《玩瞽思存》中，鄭氏還對陳塤的錯誤之處詳加指陳。余紹宋《衢縣志序》批評道：「其指摘諸端，涉於毛舉，

又多附會，未中其失。」此書所正「嘉慶」《縣志》之誤，雖有牽強者，然亦可取者，可爲後來修志者取資。此編成於道光二十五年，然至光緒九年始刊印。此書據清末抄本影印。

第四一冊目錄

西安縣新志正誤三卷


(清) 陳垣 撰
清末抄本

〔民國〕衢縣志三十卷 (卷一至四)

鄭永禧 纂
民國二十五年 (1936) 鉛印本
..... 一四三

西安縣新志正誤

915.1243
1031.01



序

郡邑之有志猶國之有史所以傳信而疑者闕焉初不能有所誤也信安志見諸紀載如衛葉朱留諸公所撰皆不傳於世國朝康熙間陳恪勤公延邑進士徐公之凱纂西安縣志嘉慶辛未姚公寶燊修之迄今蓋又七十餘年矣余承乏斯邑於今四載竊以志乘厯年久又經兵燹亟應補輯乃志有未逮遽奉調將他去耿耿以未獲續修為憾適與司鐸吳君澥城縱論及之澥城手出西安志正誤三卷示余且曰此邑宿陳聲伯墳謨蓋專以正姚志之誤

247739

1644

而作聲伯先生謹而邃於學況以邑人言邑事自必有所
依據第抄本慮散佚盍梓之以為異日修志者考鏡資余
受而閱之矐其言付之手民俾廣流傳以俟他日修志之
君子

光緒九年癸未壯月知浙江西安縣事南城歐陽烜謹叙

余氏寒柯堂藏書

哲嗣翼等捐贈

嘉慶十七年新縣志正誤



首序例卷首舊序篇 志書最重紀年庶便稽先後事實
集秉敬府志之錄舊序也先叙嘉靖四十三年二月趙
鏗序云云今錄陳公舊序而不併錄其年難於稽考一
也

又舊志卷首有徵文獻引及延士啟二篇瑰奇藻雅非後
人所能削之深為可惜應補錄於藝文中二也

凡例 志書莫重風俗政治之得失是以溫公通鑑以資
治名書今攷舊志凡例有云學校所以重道風俗所以

救時又云有昔人成績壞於後人之縱弛者有今日朕
北貽為異日之隱憂者拳拳焉惴惴焉惕之於心敬之
於事又云南折之便民今為厲堦試館之便士今為廢
字銀礦以虛名開伏莽之萌濠田以專利失金湯之固
喬世濟之田張樂豐之倉徒以飽狐鼠狡獪之腹淫祀
之繁禘婚喪之侈汰祇以饜夸多鬪靡之心一一表而
出之庶循良父母有蒿目援手而剔除其弊者又云立
志之旨大率集舊聞昭炯戒甯為老生常談不作魏收
穢史各語此其作志之意也何等關係今新志凡例僅

敘其細小體例全無一字及此兩相比較真有長松蔓草之殊三也

卷一圖考

圖考二大字 葉秉敬府志每圖前有序後有考論舊縣志有圖無考但列圖目今新志有圖無考而大書圖考自乖體例四也

卷二星野

尚書舜典在璿璣一句 此句與西安無涉五也
又注按博雅北斗四為權權為揚州 此本出保章氏注

亦不當博雅六也

周禮保章一條 此亦與西安無涉當云周禮保章氏注星紀吳越也為正文不當以總冒為正文七也

左傳一條 此條當云左傳昭三十二年注星紀吳越之分為正文不當以越得歲為正文八也

元命苞一條 此書已無當指明某傳注所引今並不指明所引九也

爾雅一條 此條正文及注均未及分野之語全無相涉十也

史記漢天官書兩條 天官書史記之篇名誤分二書大為可笑十一也

又斗江湖及歲星曰攝提並與西安分野無涉十二也

甘石星經 甘德石申各有其書不宜總合十三也

清類天文分野之書 應云劉誠意清類天文分野書不應添一之字十四也

本卷小序 此序有黃燕黑燕赤燕等語未詳所出甘氏星經為世所習見內無黑燕之語此文固有所本但措詞貴於雅馴開卷即用僻書殊欠斟酌十五也

又序引楊子雲長楊賦玉衡正而泰堦平原文上有是以
二字下有也字不若引庾子山華林園賦只此七字母
庸再刪虛字十六也

卷三疆域

皇輿表 此條乃全府疆域府志宜述縣志則失體裁十
七也

卷四建置

漢書郡國志 按漢書有地理志而無郡國志惟范蔚宗
後漢書有郡國志刪去後字且與後漢書相並為二條

可笑十八也

又此條引孫氏分太末立豐安縣乃今之金華縣也西安志中何必及此十九也

輿地廣記晉太康元年改新安名信安 按新志前未敘明立新安縣之年何得即敘改新安為信安應先載後漢書郡國志獻帝初平三年分太末立新安縣今不先敘此條全無頭緒二十也

宋書州郡志定陽縣漢獻帝二十三年孫氏分信安立按孫氏所立之定陽隋大業間已廢惟唐武德四年所